



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Christiana Et Docta Divi Alchimi Aviti Viennensis
Archiepiscopi, & Claudij Marij Victoris Oratoris
Massilie[n]sis, poëmata, aliaq[ue] non poenitenda**

**Avitus, Alcimus Ecdicius
Marius Victor, Claudius**

Lvgdvni, 1536

Capvt II.

urn:nbn:de:hbz:466:1-12149

Falsq̄ nefasq̄ interrecti custodia nunquā,
 Non iudex, non testis erat, non deniq̄ rector,
 Arbiter aut morum, vel qui suaderet honestū;
 Sed princeps sibi quisq̄ fuit, virtute nocendi.
 Nec meritis sed mole potens qui fortior esset,
 Hic melior sibi met sese censore placebat.
 Brutorū quā hominū vitā magis esse putares,
 Nā diuinum in se nō intellexit honorem
 Mens humana sitū; brutoq̄ simillima facta est.
 Sanguis potus erat, cęsorum viscera passim
 Indomitis laceras præbebant mentibus escas.
 Insuper & quadrupes, si cuiquā humanius esset
 Ingeniū, medijs vel mortua belua campis
 Pastus erat; tum nulla fides, lex nulla vigebat.
 Quā vero pecorum ritu permissa voluntas
 Et diffusa palam ruptis lasciuiā, frenis
 Luxuriæq̄ forum, atq̄ obscœni nundina mundi
 Ferueret, castis fas non est dicere musis.

CAPVT II.

TALIBUS ac tātis hominū gēs improba gestis
 Syluestres animos naturæ fœdere rupto,
 Induerat; pulsaq̄ procul ratione furebat,
 Desertaq̄ Dei cœlestis imagine, prorsum
 e s Omne

Omne decus mentis turpi deiecerat actu.

*Similitudo
pulchra.*

Haud secus ac pulchri quum fertilis area campi

Quam succisa dedit purgato robore sylua,

Tempore dum colitur iusto, et mordacibus illis

Subijcitur rastris, respondet frugibus, ac se

Seruat composito ruralis gratia vultu.

Contra autem exercere solum si negligit, aut si

Agricola oblitus sua brachia forte remisit,

Laxauitq; manus, fessoq; quieuit aratro:

Pigrescit primū durato cespite tellus:

Mox rudibus ramis atq; aspera palmite crebro

Disciplinatos diffuescit promere fructus:

Et frutices mittit, syluamq; minatur inanem:

Quam si nec fera succisor falce repurget,

Non iam virgultis, sed denso stipite lucus

Texitur, & steriles diffundit in aëra frondes;

Donec conclusa ramis currentibus vmbra,

Mox importunæ depulso sole tenebræ

Ad secura feras inuident ludere lustra.

Taliter humani generis non ordine recto

Perdita mandata iam post primordia legis,

In prauum labens paulatim vita tetendit.

Proficiens peiore via, constantior ipso

Iam

Iam paribus studijs nutriti criminisv su.
 Et tamen auctorem vicij culpæq; magistrum
 Doctior erratis, lapsuq; peritior omni
 Succidua prolis crescens audacia vicit.

CAPVT III.

VT fluius primum parua diffusus ab vrna
 Perspicuum leto promit qui gurgite fontē,
 Tramite quē summo facili transmittere saltu
 Quisq; potest, mox irriguo deductus ab ortu
 Viribus augetur subitis, ripasq; retrosum
 Pellens, crescentes pellit per plana liquores,
 Occupat & spacium, pereuntiq; imminet aruo:
 Tunc circumfusus vicinis vallibus amnes
 Sorbet præteriens, externasq; incipit vndas
 Augmento finite suo, mixtasq; sub vno,
 Nomine, corrosis diffuso gurgite terris
 Cum trabibus flabulisq; boum, lustrisq; ferarum
 Sæuior accessu longoq; furore potitus
 Tandem desistens pelagi transportat in vndas.
 Sic eius motus similisq; ad turbinis instar
 Humanum vicij ibat genus: & tamen ipsa
 Longius insanas mentes dissoluerat ætas,
 Centenos nouies crebro quum duceret annos

Vita